

2. *Tiõrvv'vuõđ tuõddrest!*

... JÕNN da u'cc ää'sš ...

Tiõrvv'vuõđ tääi'ben tuõddrest!
Gu kuärnam tuõddârčâkka, di illvâaju sõkklõõvam,
gu âlgg mõõnnâd pââiârâ.
Gu puâdam tuõddrest vuâlas,
âlgg ķiõččâd târkka, koozz tânce,
što jiõm kuâkksõõđ da joor pââ'jasnjii'sķi.
Tuõddâr liâ õll'jab gu tie'rm da vää'r.
Tuõddâr liâ nu't õlli,
što tõi čââ'ķkest jiâ šõõdd muõr.
Muõr taarbše piõggte'mes le'be suâjjaz da pakk šõõdâmpaai'ķid.
Tuõddrest šâ'dde pâi vue'llga tõõõâz mâ'te kâärnõzmue'rj.
Tuõddâr liâ juõ'vvi da tõi reeu'tin da kie'dji â'lnn šâ'dde jee'resnallšem jeâkkal.

Tuõddrest jâlstim še mon.
Nõmman lij Ee'lskaž-čeâkkli,
da gu jâlstim Ukselmvuei'vv-tuõddrest,
leâm Ukselmvuei'v Ee'lskaž.

Ukselmvuei'vv lij tääi'ben Urho Kekkonen meermie'ccest.
Teâđak tâma, mii meermeä'cc lij?
Meermie'ccest suõjjeet luâđ.
Meermeä'cc lij nõkam pâi'ķķ,
ko'st luât vüâžž lee'd nõkkmen gu tõt lij,
ij-ka tõn vüâžž mu'tted.
Jie'll'jid meermeä'cc lij šiõgg pâi'ķķ jâlsted.
Meermie'ccest vüâitt puârast reissjed,
vaažžced le'be hâ't-i čuõigeed.
Meermie'ccest ij vüâžž ro'sķķeed,
...tuõđi ij ve't ni ko'st jee'resâ'rnn vüâžž ro'sķķeed.

Leâm eežža jõnn...šurr...
...le'be siõm...
...heh...sõrčč aivv tõ'st, koozz ve'rddad.
Gu čuežžam sõõrv lu'nn, di toobdam što leâm occâkka.
Gu leä'p kootkin palddlõõžži,
toobdam jiõččan samai bohttren!
puâjmiõstjin leä'p eežža seâmma šoora.

Mii-ne jõnn mu'st jijstan lij,
gu ve'rddâam jiiččan hâ't-ba oummuid;
mu'st liâ jõnn pee'llj.



Jõnn pee'lljin kuulam tuõdi puârast puk tää'rkes aa'sšid, kuulam nu't uu'ccid gu šuurid še tuõddri da mie'cci aa'sšid.

Da pee'lljinan lij mii-ne moodrai.

Gu jõs lij kõrr groom,

hâ't-ba aaut le'be mõõn-ne moottor šäärtõõzz,

di pee'lljan tuâppje samai u'ccen.

Tõ'nt liikkääm ve't pâi meälgžet jõskksânji tuõddrest le'be mie'ccest.

Luâdast ka'nnaṭ muḁoi še liikkeed jõskksânji.

Tâ'l kooll juõ'kknallšee'm hää'sk di he'rvyes mainnsid;

miõlkkidsaid mie'cc oḁḁsid da tuõdi tää'rkes saaggid.

Leäm nääi't säärne'e'l Urho Kekkonen meermie'cc čeäkkli,

Ukselmvuei'v Ee'lškaž,

koon vuõpt liâ siõmmna põrršõõvvâm

da tõid pãššne hje'lkeld jeäkkal, muõrrlõõst da kuä'ccev.

Sei'bb lij mu'st kiõbrn'jõõvvâm da leäm täujja määjjmee'l.

Ee'lškaž

Čeäkklee jõnn da u'cc jorddmõššid kee'rjti põ'mmja Kristiina Aikio. Jäärglõ'tti: Hilikka Fofonoff.



Tuâjj: jõnn da u'cc

1. Mõõn šillju da ve'rdde jijjad jee'res luâtjie'lljid. Säärn taaurõ'sše, leäk-a jõnn avi u'cc? Gu čuežžak paaccik/ kuä'ccev/ pie'žž paaldâst, toobdam jijjan u'ccen/ šurrân / seämma šurrân.

2. Ää'ved pee'lljid šurrân, pijj čõõ'lmääd kidd da kuvddâl luâḁ jionid. Säärn le'be piirâst, mâi'd kuulak?

3. Piirâst pirstõõgg õlli, juõ'vvi Ukselmvuei'v tuõddrest, koon čää'kkest Ee'lškaž-čeäkkli kiiččad luâḁ šõddmõõžžid.

